

春秋左氏傳杜氏集解

冊七

春秋經傳集解襄公一第十四

襄公名午。成公子。母定姒。諡法。因事有功曰襄。辟土有德曰襄。

杜氏註

盡九年

經元年春王正月公即位

無傳於是公年四歲

仲孫蔑會晉欒

黶宋華元衛甯殖曹人莒人邾人滕人薛人圍宋彭

城

魯與謀於虛打而書會者稟命霸主非匹敵故

○與音預

夏晉韓厥帥師伐鄭

仲孫蔑會齊崔杼曹人邾人杞人次于鄆

鄆鄭地在陳留襄邑

縣東南書次兵不加鄭次

鄆以待晉師○鄆才陵反

秋楚公子壬夫帥師侵宋

九月辛酉天王崩

無傳辛酉九月十五日

邾子來朝冬衛侯使

公孫剽來聘

剽子叔黑背子○剽匹妙反

晉侯使荀偃來聘

冬者十月

初也王崩赴未至皆未聞喪故各得行朝聘之禮而傳善之

傳元年春己亥圍宋彭城。正下有二月則此己亥日誤非

宋地追書也。成十八年楚取彭城以封魚石故曰於非宋地夫子治春秋追書繫之宋

是為宋討魚石故稱宋且不登叛人也。登成也不與其專邑叛君

故使彭城還繫宋謂之宋志。稱宋亦以彭城降晉晉人以宋

五大夫在彭城者歸寘諸瓠丘。彭城降不書賤略之瓠丘晉地河東東垣

縣東南有壺丘五大夫魚石向為一人鱗朱向齊人不

會彭城晉人以為討二月齊大子光為質於晉。光齊靈公

大夏五月晉韓厥荀偃帥諸侯之師伐鄭入其郛。荀偃

不書非元帥敗其徒兵於洧上。徒兵步兵洧水出密縣東南至長平入潁

○郭芳夫反

軌○〔蒲〕于反於是東諸侯之師次于鄆以待晉師齊魯曹

晉師自鄭以鄆之師侵楚焦夷及陳於是孟獻子自鄆先歸不與侵

陳楚故不書○〔焦〕如字又在堯反晉侯衛侯次于戚以爲之援爲韓厥援

秋楚子辛救鄭侵宋呂留呂留二縣今屬彭城郡鄭子然侵宋

取犬丘譙國鄆縣東北有大丘城迂迴疑○〔鄆〕才河反又子旦反〔迂〕音于九月邾子

來朝禮也邾宣公冬衛子叔晉知武子來聘禮也凡諸

侯即位小國朝之小事大國聘焉大字以繼好結信

謀事補闕禮之大者也闕猶過也禮以安國家利民人爲大

經二年春王正月葬簡王無傳五月而葬速鄭師伐宋書伐從告

夏五月庚寅夫人姜氏薨六月庚辰鄭伯踰卒未與襄同

盟而赴以名庚辰七月九日書六晉師宋師衛甯殖

侵鄭宋雖非卿師重故敘衛上秋七月仲孫蔑會晉荀罃宋華元

衛孫林父曹人邾人于戚己丑葬我小君齊姜齊諡也三

月而葬速○齊如字執心克莊曰齊叔孫豹如宋豹於此始自齊還為卿冬仲孫

蔑會晉荀罃齊崔杼宋華元衛孫林父曹人邾人滕

人薛人小邾人于戚遂城虎牢鄭以偏楚殺其大夫公

子申

傳二年春鄭師侵宋楚令也城以彭齊侯伐萊萊人使

正輿子賂夙沙衛以索馬牛皆百匹夙沙衛齊寺人索簡擇好者○

索所齊師乃還君子是以知齊靈公之為靈也諡法亂而

不損曰靈言。夏齊姜薨。初穆姜使擇美櫨。櫨梓之屬。○櫨古雅。

反。以自爲櫨。與頌琴。櫨棺也。頌琴琴名。猶言雅琴。季

文子取以葬。君子曰。非禮也。禮無所逆。婦養姑者也。

虧姑以成婦。逆莫大焉。穆姜成公母。齊姜成公婦。○養余亮反。詩曰。其

惟哲人。告之話言。順德之行。詩大雅哲。知也。話善也。言知者行事無不順。○

話戶怪反。知音致。季孫於是爲不哲矣。言逆德。且姜氏君之妣

也。襄公適母。故曰君之妣。詩曰。爲酒爲醴。烝畀祖妣。以洽百禮。

降福孔偕。詩周頌烝進也。畀與也。偕徧也。言敬事祖妣。則鬼神降福。季孫葬姜氏。不以禮是不

敬祖。齊侯使諸姜宗婦來送葬。宗婦同姓大夫之婦。人越疆送葬。非禮。

召萊子。萊子不會。故晏弱城東陽以偁之。爲六年滅萊。傳東陽。

齊竟鄭成公疾子駟請息肩於晉欲辟楚役以負擔喻○

公曰楚君以鄭故親集矢於其目謂鄢陵戰晉射楚王目○射食亦反

非異人任寡人也言楚子任此患不為他人蓋在己○非異人任絕句任音壬一讀至

絕人字若背之是弃力與言其誰曜我言盟誓之言○一本作功曜

反女乙免寡人唯二三子秋七月庚辰鄭伯踰卒於是

子罕當國攝君子駟為政為政卿子國為司馬晉師侵

鄭晉伐喪非禮諸大夫欲從晉子駟曰官命未改成公未葬嗣君

未免喪故言未改不欲違先君意會于戚謀鄭故也鄭久叛晉謀討之孟獻

子曰請城虎牢以偪鄭虎牢舊鄭邑今屬晉知武子曰善鄭之

會吾子聞崔子之言今不來矣元年孟獻子與齊崔杼次于鄭崔杼有不

服晉之言。獻子以告。知武子。滕薛小邾之不至。皆齊故也。三國齊之屬。

寡君之憂。不唯鄭。言復憂齊叛。又反下同。營將復於寡君。而

請於齊。以城事白晉君。而請得請而告吾子之功也。

得請謂齊人應命。若不得請。事將在齊。將伐齊。吾子之

請。諸侯之福也。城虎牢。足征伐。豈惟寡君賴之。傳言荀營能用。

善謀。穆叔聘于宋。通嗣君也。冬。復會于戚。齊崔武子及

滕薛小邾之大夫皆會。知武子之言故也。武子言事將在齊。

人懼帥小國而會之。遂城虎牢。鄭人乃成。如孟獻子之謀。楚公子申爲

右司馬。多受小國之賂。以偪子重子辛。偪奪其權勢。楚人

殺之。故書曰。楚殺其大夫公子申。言所以致國討之文。

經三年春。楚公子嬰齊帥師伐吳。公如晉。夏四月壬

戌。公及晉侯盟于長檮。晉侯出其國都與公。檮。勅居反。公至自

晉。無傳。不以長檮至。本非會。六月。公會單子。晉侯。宋公。衛侯。鄭伯。

莒子。邾子。齊世子光。己未。同盟于雞澤。雞澤在廣平。曲梁縣西南。

周靈王新即位。使王官伯出。與諸侯盟。以安王室。故無譏。陳侯使袁僑如會。陳疾。楚政。

而來屬晉。本非召會。而自來。故言如會。戊寅。叔孫豹及諸侯之大夫及

陳袁僑盟。言諸侯既盟。袁僑乃至。故使大夫別與之盟。諸侯也。殊袁。

僑者。明諸侯大夫所以盟。盟袁僑也。據傳。盟在秋。長曆推戊寅七月十三日。經誤。秋。公至自

會。無傳。冬。晉荀罃帥師伐許。

傳三年春。楚子重伐吳。為簡之師。簡。選練。克鳩茲。至于

衡山

鵠茲吳邑在丹陽蕪湖縣東今吳興與烏程縣南

使鄧廖帥組甲

三百被練三千

組甲被練練袍皆戰備也○組甲漆甲成組文被練練袍○廖力彫反○組音祖○被

去聲

以侵吳吳人要而擊之獲鄧廖其能免者組甲八

十被練三百而已子重歸既飲至三日吳人伐楚取

駕駕良邑也鄧廖亦楚之良也君子謂子重於是役

也所獲不如所亡

當時君子要於遙反

○楚人以是咎子重子

重病之遂遇心疾而卒

憂患故成心疾公如晉始朝也○公即位而

朝夏盟於長檣孟獻子相公稽首

相儀也稽首首至地知武子

曰天子在而君辱稽首寡君懼矣

稽首事天子之禮

孟獻子

曰以敝邑介在東表密邇仇讎

仇讎謂齊楚與晉爭寡君將君

是望敢不稽首。傳言獻子能固事盟主晉為鄭服故且欲脩吳

好。鄭服在前年將合諸侯使士勾告于齊曰寡君使勾以

歲之不易不虞之不戒寡君願與一二兄弟相見。不易

多難也虞度也戒備也列國以謀不協請君臨之使

勾乞盟齊侯欲勿許而難為不協乃盟於郕外。與士

郕水名而祁奚請老。老致仕晉侯問嗣焉。嗣續其職者稱解

狐其讎也將立之而卒。解音狐卒又問焉對曰午也

可。午祁奚子於是羊舌職死矣晉侯曰孰可以代之對曰

赤也可。赤職之子伯華於是使祁午為中軍尉羊舌赤佐之

各代其父君子謂祁奚於是能舉善矣稱其讎不為諂立

其子不爲比。舉其偏，不爲黨。他諂媚也。偏屬也。○諂商

書曰：無偏無黨。王道蕩蕩。商書：洪範也。蕩平正無私也。蕩

謂矣。解狐得舉。曰：未得位，故祁午得位，伯華得官。建一

官而三物成。一官，軍尉也。能舉善也夫！唯善故能舉其

類。詩云：惟其有之，是以似之。祁奚有焉。詩小雅：言唯

舉似己者也。○夫音扶。六月，公會單頃公及諸侯。己

未同盟于雞澤。單頃公，王卿士。○頃音傾。晉侯使荀會逆吳子于

淮上。吳子不至。道遠多難。楚子辛爲令尹，侵欲於小國。陳

成公使袁僑如會，求成。患楚侵欲，袁僑晉侯使和組

父告于諸侯。告陳服。秋，叔孫豹及諸侯之大夫及陳袁

僑盟陳請服也。

其君不來使大夫盟之匹敵之宜

晉侯之弟揚干亂

行於曲梁。

行陳次○行戶即反注同陳直觀反

魏絳戮其僕。

僕御也晉侯

怒謂羊舌赤曰合諸侯以爲榮也揚干爲戮何辱如

之必殺魏絳無失也對曰絳無貳志事君不辟難有

罪不逃刑其將來辭何辱命焉言終魏絳至授僕人

書。

僕人晉侯御僕

將伏劍士魴張老止之公讀其書曰日君

乏使使臣斯司馬。

斯此也

臣聞師衆以順爲武。

順莫軍敢違

事有死無犯爲敬。

守官行法雖死不敢有違

君合諸侯臣敢不敬。

君師不武執事不敬罪莫大焉臣懼其死以及揚干

無所逃罪。

懼自犯不武不敬之罪

不能致訓至於用鉞。

用鉞斬揚干之

僕臣之罪重。敢有不從。以怒君心。言不敢請歸死於

司寇。致尸於司寇使戮之公跣而出曰。寡人之言親愛也。吾子

之討軍禮也。寡人有弟。弗能教訓。使干大命。寡人之

過也。子無重寡人之過。聽絳死敢以爲請。請使晉侯

以魏絳爲能以刑佐民矣。反役與之禮食。使佐新軍。

羣臣旅會。今欲顯絳。故特爲設禮食。○食音嗣。又如字。張老爲中軍司馬。代魏絳

士富爲候奄。代張老。士富。別族。楚司馬公子何忌侵陳。陳

叛故也。許靈公事楚。不會于雞澤。冬。晉知武子帥師

伐許。

經四年春。王三月己酉。陳侯午卒。前年大夫盟雞澤。三月無己酉日誤。

夏叔孫豹如晉。秋七月戊子，夫人妙氏薨。成公妾襄公母，妙祀

姓葬陳成公。傳無八月辛亥，葬我小君定姒。也無傳，定姒諡

姑反哭，成喪皆以正夫人禮，母以子貴，踰月而葬，速。冬，公如晉，陳人圍頓。

傳四年春，楚師爲陳叛，故猶在繁陽。前年何忌之師，侵陳，今猶未還。

繁陽，楚地在汝南，縣南。○銅，音紂。一音童。韓獻子患之，言於朝曰：「文王

帥殷之叛國以事紂，唯知時也。」知時，未可爭。今我易之，難

哉。晉力未能服楚，受陳爲非時。三月，陳成公卒，楚人將伐陳，聞喪

乃止。軍禮不伐喪。陳人不聽命。楚命臧武仲聞之，曰：「陳不

服於楚，必亡。大國行禮焉而不服，在大猶有咎，而況

小乎？」夏，楚彭名侵陳，陳無禮故也。爲下陳，穆叔如晉，圍頓，傳。

報知武子之聘也。武子聘晉侯享之。金奏肆夏之三。

不拜。肆夏樂曲名。周禮以鍾鼓奏九夏。其二曰肆夏。一名樊。三曰韶。夏一名遏。四曰納。夏一名渠。蓋

擊鍾而奏此三夏曲。○夏戶雅反。工歌文王之三。又不拜。工樂人也。文王之三。

大雅之首。文王大明縣。歌鹿鳴之三。三拜。小雅之四。牡皇皇者華。韓獻

子使行人子員問之。行人通使之官。○曰。子以君命

辱於敝邑。先君之禮。藉之以樂。以辱吾子。藉薦也。○

吾子舍其大而重拜其細。敢問何禮也。對曰。三夏。天

子所以享元侯也。使臣弗敢與聞。元侯牧伯。○舍音捨。文王兩

君相見之樂也。臣不敢及。及與也。文王之三皆稱文王之德。受命作周。故諸侯

會同以相樂。鹿鳴。君所以嘉寡君也。敢不拜嘉。晉以叔孫

為嘉賓。故歌鹿鳴之詩。取其有嘉賓。叔孫奉君命而來。嘉叔孫。乃所以嘉魯君。四牡君所

以勞使臣也。敢不重拜。詩言使臣乘四牡駢駢然行不止勤勞也。晉以叔孫來聘。

故以此勞之。○勞力報反。皇皇者華。君教使臣曰。必諮

於周。君命如華之皇皇然。又當諮于忠臣。使能光輝。

及忠信為周。其詩曰。周爰諮諏。周爰諮謀。周爰諮度。周爰諮詢。言必於忠信之人。諮此四事。○諏子須反。

度待洛反。下同。臣聞之。訪問於善為咨。問善道。咨親為詢。問親戚。

義。咨禮為度。問禮宜。咨事為諏。問政事。咨難為謀。問患難。

旦反。臣獲五善。敢不重拜。五善謂諮詢度諏謀。秋。定妣薨。不殯于

廟。無櫬。不虞。櫬親身棺。季孫以定。如本賤。既無器備。議其喪制。欲殯。不過廟。又不反哭。○過。

反古禾。匠慶謂季文子。匠慶魯大匠。曰。子為正卿。而小君之